


Asina Organizacion ODEA a celebra diamars



ORANJESTAD (AAN): Directiva di ODEA kier a informa pa medio di e comunicado aki, con exitoso e celebracion di e 20 aña di existencia a worde comemora durante e siman di enfermeria recientemente. ODEA kier a felicita tur enfermeronan, Ziekenverzorgeren y Bejaardenverzorgeren y

otro trahadornan den cuidu, nan famia, sectornan den cuidu y autoridadnan encarga cu cuidu.

Diamars 12 di Mei, tabata e dia internacional di enfermeria, esta dia di nos profesion, di e enfermero. ODEA a laga e dia aki den man di cada instancia cu nos enfermeronan ta labora diariamente. Danki na tur e



instancianan cu a duna nos enfermeronan atencion riba e dia aki. Un danki special na Dr. Horacio E. Oduber Hospital y Stichting Algemeen Bejaardenzorg Aruba, cu a invita ODEA pa por a comparti e dia special aki cu nan.

Anochí ODEA a tene un recepcion caminda a invita dos minister cu ta hunga un rol hopi importante den e desaroyonan di enfermeria/salubridad. Esta Ministernan di Salubridad Sr. Drs. C. Wever y di Enseñansa, Minister Señora Drs. Marisol Tromp y tambe representantenan di e instancianan caminda enfermeronan ta traha. Y imparticular e pioneronan, coleganan cu a funda ODEA 18 di januari 1989, y tur ex presidentenan cu a carga ODEA e ultimo 20 añanan.

Aki ODEA a papia di desaroyonan den enfermeria pa e ultimo 20 añanan pero tambe Salubridad en general. Ta netamente pa e ocasion aki

ODEA a haci uso pa entrega tanto na e Minister di Salubridad como e representante di Minister di Educacion un nota caminda ODEA a prodici cu ta di vital importancia pa nos profesion. Un documento relaciona cu e ultimo desaroyonan riba e tereno di legislacion, comparativamente cu e BIG -Wet na Hulanda y con e ta compara pa cu enfermeria y desaroyonan den salubridad aki na Aruba?

ODEA ta keda insisti cu a yega tempo pa 'huntu', tur stakeholders den Salubridad y den Cuido pone man na obra

pa aporta na un manera palpabel y visibel pa mehora Salubridad/Cuido aki na Aruba tambe. E recepcion aki a tuma lugar den e Aula di Universidad di Aruba. E presencia di tanto Minister di Salubridad, Minister Wever como e representante di e Minister di Educacion a mira e necesidad di tal reto y a expresa e aporte valioso cu ODEA tin pa ofrece. Nan a

aplaudi e esfuerzo di ODEA y nan ta spera cu ODEA lo sigui pone enfasis riba esaki den e tempo cu ta nos dilanti, sperando cu e invitacion/vision di parti di ambos partido worde concretisa mas liher cu ta posibel.

Despues tabata tin un recepcion caminda a para keto na e 20 aña di existencia di ODEA 1989/2009